

欽定歷代職官表

11

7保1
4544
19



欽定歷代職官表卷五十六

提督表

提	周軍將都尉	三代
督	中尉	漢
	太守兼尉	後漢
	都督	三國
	都督諸軍	晉
	都督諸軍	宋齊
	都督諸軍	北魏
	都督諸軍	北齊
	防主	後漢
	總管	隋
	都督	唐
	副總管	宋
	總管	遼
	都總管	金
	都元帥	元
	都元帥	明



職官表卷五十六 提督表

廣雅書局刊

陽二鎮本標二營江南水陸提督駐松江府節制崇明狼
山壽春三鎮本標五營江西提督駐南昌府節制南昌贛
州二鎮本標二營福建水師提督駐廈門節制金門海壇
南澳臺灣四鎮本標五營陸路提督駐泉州府節制福寧
汀州建寧漳州四鎮本標五營浙江水師提督駐寧波府
節制黃巖定海溫州處州衢州五鎮本標五營湖廣水陸
提督駐常德府節制襄陽宜昌鎮守永州四鎮本標四營
四川提督駐成都府節制川北重慶建昌松潘四鎮本標
五營陝西提督駐固原州節制延綏興漢河州三鎮本標
五營甘肅甘州提督駐甘州府節制西寧寧夏涼州肅州
四鎮本標五營安西提督駐烏魯木齊迪化城本標五營

廣東提督駐惠州府節制左翼右翼碣石潮州高州瓊州
南澳七鎮本標五營廣西提督駐柳州府節制左江右江
二鎮本標五營雲南提督駐大理府節制臨元開化騰越
鶴麗昭通普洱六鎮本標五營貴州提督駐安順府節制
安籠古州鎮遠威寧四鎮本標四營初提督帶左都督右
都督銜者正一品帶都督同知銜者從一品帶都督僉事
署都督事者正二品乾隆十八年省都督等銜定爲從一
品

歷代建置

謹案提督之官自有明始然不爲一定之官稱且不設
員額亦不常置蓋古者天子寄軍政於六鄉居則以田

警則以戰所謂入使治之出使長之素信者與眾相得也周之六鄉在國以比長閭胥族帥黨正鄉大夫爲稱其在軍也則以五長兩司馬卒長旅帥師帥軍將爲號爲兵者皆平居之民爲將者皆平居之吏故曰邊境有事左右之官皆將帥也漢承秦制郡都尉專司兵事而兵始有常將然都尉亦以文臣爲之則兵民之事雖分而主兵者固不分文武魏晉以降督軍州者多加將軍郎將之號而當時中朝清望官亦頗以加軍號爲重知將軍等號元非專爲統兵而設嗣是總管節度殊名同實唐末之節度使多用武人至宋而總管鈐轄或領以文臣而武臣實司其事蓋自有長募屯駐之兵而始有

營伍之制既有營伍卽不得不置將帥以專領之然其初偏裨以下雖漸漸專用武臣而大帥則仍多以地方官兼之自宋都副總管文武並置元置元帥萬戶等府則守臣不復得與兵事而文與武始截然爲二矣夫司馬世官亦以命氏後世兵皆常聚師多世守文武之途旣分而緩帶輕裘者或不嫻行陣卽如宋崇寧中以湯景仁等提舉各路弓箭手後仍改用武臣則以前所置文臣不能親詣邊塞衝冒寒暑之故然則省會內地邊陲要區屯兵以衛民生立將以統營伍實亦因時之政矣第明制提督旣不常設而自總兵以下凡統兵之官亦俱無品級無定員且多充以勛戚都督等官大率童

駭驕恣軍政紊如我

朝奄有區宇詰戎飭伍各省特設水師陸路提督以統綠旗兵旅自畿輔海甸達於雪山炎徼星羅碁置腹地則兼以巡撫承以總兵副將參將遊擊都司守備千總把總之屬各有員額品秩而總督實節制之文武相維分標協理我

皇上制治保邦動關

宸慮邊防屯戍往往增設兵伍又以武臣俱有分猷宣力之責

特命做文臣之例量職定制各給養廉以優贍其身家規畫尤為盡善茲故撮論其概而總兵以下其說亦略具於

此云

三代

周禮夏官凡制軍萬有二千五百人為軍軍將皆命卿

杜佑通典三代之制天子六軍其將皆命卿諸侯之制大國三軍次國二軍小國一軍其將亦命卿也

謹案軍將命卿知軍帥不特選置於六官六鄉之吏自卿以下德任者使兼之矣孔穎達云古者用兵天子先用六鄉六鄉不足取六遂六遂不足取公卿采邑及諸侯邦國而章如愚曰古者畿內之兵不出卒有四方之役即用諸侯人耳或遣上公率王賦亦不過元戎十乘以先啟行而已蓋盛王之制天下大則有方伯小則有

連帥其待卒應變如身之使臂各適其事之遠近苟方伯連帥所不能克然後鄉遂之士應之周官之象胥曰王之大事諸侯推此而出軍之法可知也然則諸侯之軍將其於王朝亦有似今之各省設有提督者故著此以見權輿之有自焉

國語齊語制國五家爲軌十軌爲里四里爲連十連爲鄉五鄉一帥故萬人爲一軍五鄉之帥帥之三軍故有中軍之鼓有國子之鼓有高子之鼓

謹案齊作內政以寓軍令三分其國以爲三軍公將其一高國將其二將兵者已似有專官然仍皆命卿爲之則固用周制也春秋時列國之命將惟齊魯晉楚略可

攻見魯之戰於鞍也四卿並出迫作三軍而三桓各將其一舍中軍而季氏專將一軍仲叔各專一軍之半猶是軍將皆卿也晉始作二軍上軍公自將下軍太子將之閔二年伐東山臯落氏則太子將上軍罕夷將下軍僖十五年韓之戰亦是公將上軍韓簡爲下軍將據此則僖八年里克帥師其御右同韓簡當亦是下軍將知晉初上下二軍無定將矣楚亦爲三軍其軍將出於臨時擇人城濮之役子玉以令尹將中軍子西以司馬將左郟之役沈尹將中軍而令尹孫叔敖不爲軍帥鄢陵之役則子反以司馬將中軍子重以令尹將左軍皆無一定之制其後齊景公召司馬穰苴以爲將軍將兵扞

燕而將兵者始有特設之官然事已則罷不爲定制逮乎戰國趙李牧爲北邊良將常居代雁門以備北寇此當爲後世大將備邊之所自始爾

〔春秋左氏傳〕吳徐承率舟師自海入齊

謹案江漢湯湯武夫泱泱此水戰之始嗣後吳楚交戰率用舟師越亦有習流之士越王句踐常命范蠡舌庸率師沿海泝淮以絕吳路而徐承之率舟師入海當亦爲今水師提督所自昉歟

秦

〔漢書百官公卿表〕郡尉秦官掌佐守典武職甲卒

謹案唐李賢云秦每郡有尉一人今以漢書地理志攷之殆未必然樊噲傳噲攻圍都尉劉敞曰圍縣名有尉無都尉又郡都尉至景帝方加蓋衍一都字然沛公爲漢王酈商以將軍爲隴西都尉高后功臣表有醴陵侯越爲河內都尉豈秦固已有都尉而史不具歟又馬端臨曰秦并天下列爲三十六郡郡置材官蓋刑法志云漢興踵秦而置材官於郡國則郡置材官固秦法也且不惟材官而已秦騎士李必駱甲見漢書灌嬰傳則秦亦有騎士漢嚴安曰秦使尉屠將樓船之士攻越則秦又有樓船漢材官騎士樓船屬郡都尉卽秦郡尉之職可知矣

漢

漢書百官公卿表諸侯王國中尉掌武職如郡都尉郡尉秩比二千石有丞秩六百石景帝中二年更名都尉

後漢書百官志武帝又置三輔都尉各一人譏出入邊郡謹案漢郡國凡百有三置都尉者九十山西自三輔而外郡纔十有三而置都尉三十其餘郡國乃八十有七置都尉者止六十其不置者蓋四十有三也尉與守皆二千石其尊與守等酷吏傳言周陽由爲守視都尉如令爲都尉陵太守奪之治武帝欲以甯成爲郡守公孫弘言成爲濟南都尉其治如狼牧羊不可令治民明守與尉之各有分治矣然王應麟引漢儀注云邊郡置都尉不治民然則都尉非邊郡當亦治民至若吾丘壽王

爲東郡都尉帝以壽王故不復置太守其賜之璽書所謂連十餘城之守任四千石之重者以兼守尉之任也又翟義爲南陽都尉行太守事行縣至宛以事按宛令威震南陽知漢時都尉不特典軍而亦有兼行太守之事者夫漢之太守專制方面幾與今之巡撫等則其兼守尉之任者乃正如今以巡撫兼提督之比也

錢文子補漢兵志材官騎士屬郡都尉以歲八月太守都尉令長丞爲會都試水處爲樓船令丞尉亦各統其縣守尉不得專也大抵金城天水隴西安定北地河東上黨上郡多騎士三河潁川沛郡淮陽汝南巴蜀多材官江淮以南多樓船士

謹案漢刑法志曰武帝平百粵內增七校外有樓船皆歲時講肄其實高祖已有樓船之制漢官儀云高祖命天下郡國選能引關蹶張材力武猛者以爲輕車騎士材官樓船當以立秋後講肄課試各有員數平地用車騎山阻用材官水泉用樓船此皆調民爲兵非有常置之額而歲時講肄及有事調發則皆都尉主之他如惠帝七年發車騎材官詣滎陽太尉灌嬰將文帝三年發中尉材官屬衛將軍軍長安景帝中三年秋中尉不害將車騎材官士屯代高柳武帝元光二年太中大夫李息爲材官將軍將三十萬眾屯馬邑谷中六年韓安國爲材官將軍屯軍於漁陽此則徵京輔郡國之兵而特遣大臣以爲軍將故領材官士者則曰材官將軍領車士騎士者曰車騎將軍領樓船士者曰樓船將軍又有領步士則爲步兵將軍皆事已卽罷其與今之提督職分殊矣

後漢書百官志中興建武六年省諸郡都尉并職太守無都試之役惟邊郡往往置都尉及屬國都尉稍有分縣治民比郡。王國中尉一人比二千石職如郡都尉主盜賊謹案漢列郡有都尉其在王國則中尉比都尉光武所省特郡都尉而紀乃云罷郡國都尉明衍一國字也

宋書百官志光武省都尉後又往往置東部西部都尉謹案後漢省都尉後每有劇職郡臨時置都尉事訖罷

之然終建武之世已不能守前法罷尉省校輒復臨時補置如七年罷長水射聲二校十五年復更增屯騎校九年省關都尉十九年復置函谷關都尉而天下亦往往復置都尉其見於紀者和帝永元十六年復置遼東西部都尉官安帝永初四年初置長安雍二營都尉官順帝陽嘉二年復置隴西南部都尉官桓帝永壽元年初置秦山琅邪都尉官而金城西部都尉隴西南部都尉各有戍守分地益州西部都尉及各屬國都尉俱或領城如太守則視前漢之以都尉行太守事者復加優矣

馬端臨文獻通攷光武以幽冀并州兵定天下始於黎陽立營領兵騎千人以謁者監之號爲黎陽兵其後又以扶風都尉部在雍縣以涼州近羌數犯三輔將兵衛護園陵故俗稱雍營

謹案司馬貞曰邊郡有屯兵後因置將屯將軍如傅寬之以代相國將屯是也若郡國之騎士材官樓船雖各有員數然俱散在民伍迨光武於黎陽立營則郡國兵之各立營伍實始諸此其後明帝置度遼營其將軍遂爲常守和帝置象林兵安帝置長安雍二營及漁陽營順帝時緣海又稍稍增兵而魏郡趙國河南等塢多置軍屯已略似今制之分標營者則其總帥當亦如今之提督也

三國

〔三國蜀志魏延列傳〕先主為漢中王遷治成都當得重將以鎮漢川乃拔延為督漢中鎮遠將軍領漢中太守
謹案魏延以漢中督領太守亦猶魏之以都督領刺史也

〔宋書百官志〕魏黃初二年始置都督軍州事或領刺史
〔南齊書百官志〕魏晉世州牧隆重刺史任重者為使持節都督輕者為持節督

謹案後漢建武初征伐四方始權置督軍御史事竟而罷建安中魏武為相始遣大將軍督之袁紹分沮授所統諸軍為三都督魏武征孫權還又使夏侯惇督二十

六軍則都督之號始此而

國朝初制提督兼都督銜者其名亦昉乎此也魏初置都督類皆與州相近如揚州刺史治壽春都督揚州諸軍事亦治壽春之類其後都督或領刺史亦正沿漢以都尉行太守事之例與今巡撫兼提督銜者亦略相似故與督撫表互見焉

〔文獻通考黃初中復令州郡典兵州置都督尋加四征四鎮將軍之號

謹案漢之雜號將軍皆主征伐事訖皆罷若四征興於漢代四安起於魏初四鎮通於柔遠
鎮東南並後漢置鎮北魏置四
平止於撫輯魏置其將軍各一人已似為額設之官且都

督或以兼治民事而四征四鎮將軍但為典兵之號疑
都督者略如今之總督而征鎮將軍或如今之提督然
如石苞當魏世拜鎮東將軍旋代王基都尉揚州諸軍
事後進征東大將軍俄遷驃騎將軍陳騫拜使持節都
督淮北諸軍事安東將軍轉都督豫州諸軍事持節將
軍如故又轉都督江南諸軍事徙都督荊州諸軍征南
大將軍晉武受禪進車騎將軍則此諸將軍亦第為方
面寵號循資遞進而非專設以為統兵之定職矣

〔三國吳志蔣欽列傳〕欽與呂蒙持諸軍節度權襲荊州欽
督水軍入沔

謹案欽節度諸軍而復自督水軍則有似今之水師提
督者攷吳統軍之帥類稱為督故有水軍督營都督京
下督江夏督諸號蓋吳之邊境有督有監監者監諸軍
事之職而督者即督諸軍之職也

晉

〔晉書職官志〕都督諸軍為上監諸軍次之督諸軍為下使
持節為上持節次之假節為下○武帝置四中郎將東南西北
或領刺史或持節為之

謹案晉初制都督知軍事刺史治民各舉其職猶仍漢
制至惠帝末而總軍者皆兼刺史蓋如今督撫之任並
無專典兵事為武職之員但當時諸州都督類加將軍
或中郎將之號則凡持節都督亦有近今之提督者矣

晉書謝元列傳拜建武將軍兗州刺史領廣陵相監江北諸軍事劉牢之列傳謝元鎮廣陵多募勁勇號為北府兵謹案督諸軍者類兼制數州而兗州別領北府兵又似今提督節制各鎮外之有本標營兵也

宋齊梁陳

通典宋有都督諸州諸軍事舊曰監某州諸軍事文帝即位改監為都督

謹案魏晉以來有督諸軍者有監諸軍者即如宋文帝在晉朝以冠軍將軍加授使持節監徐兗青冀四州諸軍事徐州刺史關中平又監司州豫州之淮西兗州之陳留諸軍事前將軍司州刺史仍改都督荆益寧雍梁

秦六州豫州之河南廣平揚州之義成松滋四郡諸軍事西中郎將荊州刺史持節如故永熙元年進督北秦并前七州進號鎮西將軍又進督湘州俱為統兵之任其遷進之序亦大略可見則杜氏所謂舊曰監而文帝改為都督非也嗣齊梁及陳皆仍宋制茲不備著大抵晉宋以後督諸州者統治兵民為今督撫之任而與提督亦復相近故既入督撫表內而仍互見於此云

北魏

魏書樂安王範列傳拜都督五州諸軍事衛大將軍長安鎮都大將子良襲王拜長安鎮都大將雍州刺史和跋列傳跋子歸拜使持節冠軍將軍雍城鎮都大將陸侯列傳

拜龍驤將軍都督洛豫二州諸軍事虎牢鎮大將轉平西將軍安定鎮大將徵還出為平東將軍懷荒鎮大將又以侯都督秦雍二州諸軍事平西將軍長安鎮大將

周書閔慶列傳慶祖提使持節車騎將軍燉煌鎮都大將謹案魏之鎮大將在諸鎮將之上太和十九年之詔鎮大將與州刺史及品登王公者並列當如今提督而鎮都大將又在鎮大將之上又北齊書王懷當魏世為大都督鎮下館堯傑以車騎將軍出為磨城鎮大都督蓋亦鎮都大將之比其亦如

國朝初制提督之由都督僉事而遞進為左右都督者歟又周賀拔岳當魏季以假節衛將軍左大都督與右都督侯莫陳悅並為使持節督諸軍事爾朱天光之副則天光之職正如今總督而岳之左大都督正如今提督也

北齊書斛律金列傳金除大司馬高祖出軍襲山後部落以金為南道軍司任延敬列傳天平初拜侍中盧仲延叛以延敬為大都督東道軍司率都督元整叱列陁等討之高昂列傳拜司徒公為軍司大都督統七十六都督治兵於武牢

謹案杜佑曰漢魏有軍師之官晉避景帝諱改為軍司凡諸軍皆置之以為常員即監軍之職通鑑晉康帝紀殷浩除安西軍司穆帝紀劉惔勸會稽王昱出鎮以己為軍司胡三省注俱謂軍司即軍司馬攷晉書庾翼傳殷浩徵命無所

就而翼請為司馬及軍司並不赴則北魏羊祉以左軍
軍司與司馬當各為一官胡說誤也將軍持節為梁州軍司與都督西征諸軍事行梁州刺
史楊椿討叛氏辭懷吉試守恆農郡以本任為安東將
軍郗鸞軍司後又以益州刺史為征東將軍中山王英
軍司後又為鎮東將軍盧昶軍司畢間慰以平東將軍
為都督安樂王鑒軍司慕容紹宗為西南道軍司討李
延孫其討蕭淵明也杜弼為軍司而弼傳又有軍司崔
鍾似為行軍而設非有常員然亦祇監軍之任若斛律
金任延敬高昂則專制一道自為統兵之官此正如吳
全琮遷右大司馬左軍司之比而非如吳範所謂臣乃
陛下之軍師者然金以大司馬為軍司延敬以侍中為
軍司昂以司徒公為軍司則正如隋唐以重臣充行軍
總管之比其與今之提督又稍不同也此齊書所列然
事皆在魏世故仍繫之北魏條下

北齊

北齊書暴顯列傳以顯為水軍大都督

謹案北朝之都督隨事立名自大都督外有京畿大都
督京畿南面大都督防城大都督鎮城大都督諸號其
崇庫亦復不一而水軍大都督則如今之水師提督也

後周

通典後周改都督諸軍事為總管則總管為都督之任

周書代王達列傳建德初出為荆淮等十四州十防諸軍

事荊州刺史杞王康列傳建德三年出爲總管利始等五州大小劍二防諸軍事利州刺史尉遲綱列傳武成元年除涇州總管五州十一防諸軍事涇州刺史保定二年爲陝州總管七州十三防諸軍事陝州刺史韋祐列傳子初位至開府儀同大將軍閭韓防主魏元列傳除白超防主轉和州刺史伏流防主

謹案北朝之制有防主有防城大都督則總管州防軍事當卽所謂防主而在防城大都督之上者矣若司馬消難入陳陳宣帝以爲都督安趙九州八鎮車騎將軍此則做北朝置之不爲定例也

隋

隋書百官志州置總管者列爲上中下三等總管刺史加使持節

謹案隋之總管刺史亦沿前代督軍州之舊其後罷郡爲州又罷州置郡并罷諸總管而有兵處別置都尉領兵與郡不相知其與漢制之守尉分治而以時都試者異矣

唐

新唐書百官志大都督府都督一人從二品中都督府都督一人正三品下都督府都督一人從三品掌督諸州兵馬甲械城隍鎮戍糧稟總判府事

謹案唐初緣邊鎮守及襟帶之地沿隋舊制置總管府

以統軍戎至德七年改總管府為都督府其總十州者
為大都督亦兼刺史而不檢校州事蓋專以典軍為職
正如今之提督也

〔舊唐書地理志〕安西節度使撫寧西域統龜茲焉耆于闐
疏勒四國北庭節度使防制突騎施堅昆部管瀚海天山
伊吾三軍河西節度使隔斷羌戎統赤水大斗建康寧寇
玉門黑離豆盧新泉等八軍張掖交城白亭三守捉朔方
節度使捍禦北狄統經略豐安定遠西受降城東受降城
安北都護振武等七軍府河東節度使倚角朔方統天兵
大同橫野岢嵐等四軍忻代嵐三州雲中守捉范陽節度
使臨制奚契丹統經略威武清夷靜塞恆陽北平高陽唐

興橫海等九軍平盧軍節度使鎮撫室韋靺鞨統平盧盧
龍二軍榆關守捉安東都護府隴右節度使備羌戎統臨
洮河源白水及安人振威威戎莫門寧塞積石鎮西等九
軍綏和合川平夷三守捉劍南節度使西抗吐蕃南撫蠻
獠統團結營及松維蓬恭雅黎姚悉等八州兵馬天寶平
戎昆明寧遠澄川南江等六軍鎮嶺南五府經略使綏靜
夷獠統經略清海二軍桂管容管安南邕管四經略使長
樂經略使東萊守捉東牟守捉

謹案唐分天下州縣制為諸道每道置使其邊方有寇
戎之地則加以旌節謂之節度使蓋卽古之持節都督
至德以後諸道皆聚兵中原刺史每受節度之號節度

又兼領觀察諸使分理郡縣為今督撫之任而節度之號則固專為統兵設也故亦互見於此

五季

〔新五代史張敬達列傳〕清泰二年河東節度使石敬瑭兼大同彰國振武威塞等軍蕃漢馬步軍都總管屯於忻州以敬達為北面副總管以分其兵明年徙敬瑭鎮天平遂以敬達為大同彰國振武威塞等軍蕃漢馬步軍都部署謹案後唐蕃漢都總管權寄隆重蓋前代都督中外諸軍事之比其下有副都總管明宗嘗為之俱非復尋常之任而北面副總管則有似今之提督若都部署初第名為部署同光元年始以元行欽為之本在招討使之

下其後有都部署乃為行軍之主帥事已輒罷非定制也

宋

〔柯維騏宋史新編總管鈐轄司掌總治軍旅屯戍及營防守禦之政令或一州或一路有兼兩路三路者舊制都總管以節度使充副總管以觀察以下充或文臣知州則管勾軍馬事舊相重臣亦為都總管有禁兵駐泊其地者以駐泊冠之初名部署慶厯八年改為總管若鈐轄舊以朝官及諸司使以上充官卑資淺則去都字崇寧中置京畿四輔郡以知州為都總管仍兼副總管鈐轄靖康中詔四道副總管並通差文武臣建炎分置帥府以諸路帥臣帶

都總管官要郡守臣帶兵馬鈐轄次要郡帶兵馬都監並以武臣爲副稱副總管副鈐轄副都監許便宜行軍馬事辟置僚屬依帥臣法遇起兵則副總管爲帥副鈐轄都監各以兵從聽節制

謹案宋初懲五季之弊召諸鎮節度使畱之京師分命朝臣出守列郡號權知軍州事軍謂兵事州謂民事也其後文武官參爲知州軍事故諸知府州軍監有兼畱守司公事者有兼經略安撫使馬步軍都總管者有兼安撫使馬步軍都總管者有兼安撫使兵馬鈐轄者有兼安撫使兵馬巡檢者其餘大藩府或沿邊州郡及當一道衝要者兼兵馬鈐轄巡檢或帶沿邊安撫提轄兵

甲沿邊溪峒都巡檢蓋亦循前代督軍州之例則都總管者正如今巡撫兼提督之比而副總管亦如今提督之比也

王應麟玉海都統駐劄之地沔州興元金州江陵鄂州池州江州鎮江建康平江許浦水軍又利州有副都統制

謹案都統二字始見晉書庾亮傳而都統之官始於苻秦之少年都統唐之都統或總五道或總三道又有行營都統副都統一時兵興稱謂不一宋初有馬步軍副都總管遇出師征討則加以都統制軍馬之名以總統諸將然不爲官稱建炎置御營司擢王淵爲都統制名官自此始紹興十一年罷諸將兵乃收其所部爲御前

諸軍而統制皆以屯駐州名冠軍額之上自是天下有
十都統恩數略視三衙權任在帥臣之右初以秩卑者
稱副都統制乾道中增制副都統制一人兼領軍事其
後都副鮮並除者則凡屯劄之都統制副都統制亦如
今提督之比也又平江許浦水軍本明州定海水軍舊
隸沿海制置使防捍海道乾道八年併歸許浦鎮置副
都統制統之則其副都統制固如今之水師提督矣

遼

〔遼史百官志〕南面軍官諸軍兵馬都總管府某兵馬都總
管聖宗太平四年見兵馬都總管兵馬都總管府歸聖軍
兵馬都總管府南面邊防官五州都總管府耶律蘇色滿洲

語擦草也原穆宗應祿初為義霸祥順聖五州都總管山

後五州都管司聖宗統和四年見普努靈原作蒲奴靈為

山後五州都管

謹案遼之都總管北面有東路兵馬都總管府其官曰

東路兵馬都總管南面五京各有都總管府官曰某京

都總管知某府事又有南京兵馬都總管府其諸府都

總管蓋皆如今提督之任也

金

〔金史百官志〕諸總管府謂府尹都總管一員正三品掌統

諸城隍兵馬甲仗總判府事同知都總管一員從四品掌

通判府事惟博索滿洲語山陰也路同知都總管兼來遠

〔職官表〕卷五十六 提督

〔廣雅書局〕

軍事兵馬副都總管一員正五品所掌與同知同○統軍

司河南山東陝西益都使一員正三品督領軍馬鎮攝封陞副統軍

一員正四品判官一員從五品知事一員從七品知法二

員從八品

謹案金天會六年伐宋畢詔遣西南西北二帥以鎮方

面而諸路各設兵馬都總管府天德二年改諸京兵馬

都部署司為本路總管府又以博索路統軍司為總管

府若正隆六年置三十二總管則如前代行軍總管之

比而非諸都總管之例也

元

元史百官志宣慰使司都元帥府秩從二品使三員同知

二員副使二員經歷二員知事二員都元帥府都元帥二

員副元帥二員經歷知事各一員元帥府秩正三品達嚕

噶齊解見戶部篇一員元帥一員經歷知事各一員

謹案元初於北度察遜塔拉蒙古語察遜雪也塔拉曠野也原作曲先塔林今改

蒙古軍征東等四處立都元帥府置都元帥副元帥副

元帥之下又有同知副元帥其宣慰司有邊陲軍旅之

事則兼都元帥若世祖至元二十九年以汪惟和為鞏

昌二十四處都總帥亦元帥之職也元又立諸路萬戶

府管軍七千以上為上萬戶府達嚕噶齊一員萬戶一

員俱正三品副萬戶一員從三品管軍五千以上為中

萬戶府達嚕噶齊萬戶各一員俱從三品副萬戶一員

正四品管軍三千以上為下萬戶府達嚕噶齊萬戶各一員俱從三品以上中遞降例之疑當為正四品副萬戶一員從四品其官皆世襲有功則陞之與元帥府官又復不同也

明

明史職官志都指揮使司都指揮使一人正二品又都指揮同知二人從二品都指揮僉事四人正三品其屬經歷司經歷正六品都事正七品斷事司斷事正六品副斷事正七品吏目各一人司獄司司獄從九品倉庫草場大使副使各一人行都指揮使司設官與都指揮使司同都司掌一方之軍政各率其衛所以隸於五府而聽於兵部凡都司並流官或得世官都指揮使及同知僉事以一人統

司事曰掌印一人練兵一人屯田曰僉書巡補軍器漕運京操備禦諸雜務並選充之否則曰帶俸明初置各行省行都督府設官如都督府又置各衛指揮使司洪武四年置各都衛斷事司以理軍官軍人詞訟又以都衛節制方面職係甚重從朝廷選擇陞調不許世襲八年詔各都衛並改為都指揮使司凡設都司十有三燕山都衛為北平都司西安都衛為陝西都司太原都衛為山西都司杭州都衛為浙江都司江西都衛為江西都司青州都衛為山東都司成都都衛為四川都司福建都衛為福建都司武昌都衛為湖廣都司廣東都衛為廣東都司廣西都衛為廣西都司定遼都衛為遼東都司河南都衛為河南都司

職官表卷五十六
行都司三西安行都衛為陝西行都司大同都衛為山西
行都司建寧都衛為福建行都司十五年增置貴州雲南
二都司後以北平都司為北平行都司永樂元年改為大
寧都司宣德中增置萬全都司計天下都司凡十有六又
於建昌置四川行都司於鄖陽置湖廣行都司計天下行
都司凡五

謹案明白罷中書行省設都布按三司分治兵刑錢穀
都司序銜在布按二司上則都司實為一方武職重臣
正如今提督之比又明初於各行省置都鎮撫司設官
有都鎮撫副鎮撫知事之屬洪武六年罷附著於此

明史李如松列傳萬曆十二年為提督陝西軍務總兵官

武臣有提督自如松始也已命盡統遼東宣府大同諸道
援軍如松自以權任既重不欲受總督制事輒專行兵科
許宏綱等以為非制尙書石星亦言如松敕書受督臣節
度不得自專乃下詔申飭麻貴列等起貴備倭總兵官已
加提督盡統南北諸軍

謹案明京營設有提督自內臣外並用文臣武臣南京
有提督操江多領以勦賊若各處巡撫多兼提督軍務
則文臣為之其總兵間有稱提督者如鎮守昌平舊有
提督武臣嘉靖三十八年改為鎮守總兵聽總督節制
鎮守貴州總兵嘉靖三十二年加提督麻陽等處地方
職銜又嘉靖三十七年添設提督狼山鎮副總兵究其

副

周旅帥

別部司馬

關府門 南營等 校尉 校尉 鎮城都 下督 平越中 郎將 郎將 偏將軍 都督 下督

節度使 副使 鎮副

跨分副兵馬都總管府 都監 總管府 副都總 副都總 同知 管

使 帥府副 指揮 副總兵 官

將

總兵副將

國朝官制

總兵官

正二品

直隸馬蘭鎮泰寧鎮宣化鎮天津鎮正定鎮各一

人山東兗州鎮登州鎮各一人山西太原鎮大同鎮各一人河

南河北鎮南陽鎮各一人江南崇明鎮狼山鎮壽春鎮各一人

江西南昌鎮南贛鎮各一人福建金門鎮海壇鎮南澳鎮臺灣

鎮福寧鎮汀州鎮建寧鎮漳州鎮各一人浙江黃巖鎮定海鎮

溫州鎮處州鎮衢州鎮各一人湖廣襄陽鎮宜昌鎮鎮寧鎮永

州鎮各一人四川川北鎮重慶鎮建昌鎮松潘鎮各一人陝西

延綏鎮興漢鎮河州鎮各一人甘肅西寧鎮寧夏鎮涼州鎮巴

里坤鎮各一人廣東左翼鎮右翼鎮碣石鎮潮州鎮高州鎮瓊

職官表卷五十一
州鎮各一人廣西左江鎮右江鎮各一人雲南臨元鎮開化鎮
騰越鎮鶴麗鎮昭通鎮普洱鎮各一人貴州安籠鎮古州鎮鎮
遠鎮威寧鎮各一人

各掌其鎮之軍政統轄本標官兵及分防各營協將弁而
受成於提督馬蘭鎮駐遵化州之馬蘭關本標左右二營
同城一營分防三營泰寧鎮駐易州之梁各莊本標左右
二營分防九營宣化鎮駐宣化府本標中左右三營同城
一營分防二協二十有四營天津鎮駐天津府本標左右
二營同城一營分防二十有二營正定鎮駐正定府本標
左右二營同城一營分防十有一營兗州鎮駐兗州府本
標左右二營分防二協十營登州鎮駐登州府本標左右

前三營分防二協九營太原鎮駐平陽府本標左右二營
同城一營分防一協十有一營大同鎮駐大同府本標中
左右前四營分防一協三十有一營河北鎮駐懷慶府本
標左右二營分防七營南陽鎮駐南陽府本標左右二營
分防七營崇明鎮駐崇明縣本標中左右奇兵四營狼山
鎮駐通州本標中左右三營分防五營壽春鎮駐壽州本
標中左右三營分防四營南昌鎮駐南昌府本標前後二
營同城二營分防十有一營南贛鎮駐贛州府本標中左
右三營同城一營分防十有二營金門鎮駐同安縣本標
左右二營海壇鎮駐福清縣之海壇汛本標左右二營南
澳鎮駐廣東潮州府之南澳鎮屬兩廣總督及廣東提督

節制本標左右二營臺灣鎮駐臺灣府本標中左右三營
同城一營分防三協三營福寧鎮駐福寧府本標中左右
三營分防三營汀州鎮駐汀州府本標中左右三營分防
一營建寧鎮駐建寧府本標中左右三營分防一協一營
漳州鎮駐漳州府本標中左右三營分防七營同城一營
黃巖鎮駐黃巖縣本標中左右三營同城一營分防一協
二營定海鎮駐定海縣本標中左右三營同城一營分防
一協二營溫州鎮駐溫州府本標中左右三營同城一營
分防三協三營處州鎮駐處州府本標中左右三營分防
一協一營衢州鎮駐衢州府本標中左右三營同城一營
分防三協三營襄陽鎮駐穀城縣本標中左右三營同城

一營分防一協三營宜昌鎮駐宜昌府本標中左前後四
營分防一協三營鎮筇鎮駐辰州府之鎮筇五寨司城本
標中左右前四營分防二協二營永州鎮駐永州府本標
中左右三營分防三營川北鎮駐保寧府本標中左右三
營分防三營重慶鎮駐重慶府本標中左右三營分防一
協五營建昌鎮駐寧遠府本標中左右三營分防十營松
潘鎮駐松潘衛本標中左右三營分防一協七營延綏鎮
駐榆林府本標中左右三營分防三協二十六營同城一
營興漢鎮駐興漢州本標中左右三營同城一營分防一
協九營河州鎮駐河州本標左右二營分防一協十有二
營西寧鎮駐西寧府本標中左右前後五營同城一營分

防一協十有二營寧夏鎮駐寧夏府本標左右前後四營
同城一營分防二協十有一營涼州鎮駐涼州府本標中
左右前後五營同城一營分防一協十有九營肅州鎮駐
肅州府本標中左右三營同城一營分防二協十有六營
巴里坤鎮駐巴里坤城本標中左右三營分防一協三營
左翼鎮駐東莞縣之虎門寨本標中左右三營分防二協
四營右翼鎮駐英德縣本標中左右三營分防二協三營
碣石鎮駐惠州府之碣石衛本標中左右三營分防一營
潮州鎮駐捷勝所本標中左右三營同城一營分防一協
四營高州鎮駐高州府本標左右二營分防三協八營瓊
州鎮駐瓊州府本標左右二營分防六營廣東又有南澳

鎮兼屬浙閩總督及福建水師提督節制本標左右二營
分防一協二營左江鎮駐南寧府本標中左右三營同城
一營分防三協五營右江鎮駐泗城府本標中左右三營
分防一協三營臨元鎮駐臨安府本標中左右三營分防
二營開化鎮駐開化府本標中左右三營分防一協一營
騰越鎮駐騰越州本標中左右三營分防二協一營鶴麗
鎮駐鶴慶府本標中左右三營分防一協一營昭通鎮駐
昭通府本標中左右前四營分防二營普洱鎮駐普洱府
本標中左右三營安籠鎮駐南籠府本標中左右三營分
防四營古州鎮駐古州本標中左右三營分防二協四營
鎮遠鎮駐鎮遠府本標中左右三營分防二協八營威寧

鎮駐威寧州本標中右二營分防二營

副將從二品直隸督標一人三屯協河屯協山永協河間協通州

協大名協張家口協獨石口協各一人山東文登協膠州協臨

清協沂州協各一人山西蒲州協殺虎口協各一人江南督標

一人江寧城守營京口協安慶協太湖協各一人江西九江協

袁州協各一人福建督標一人閩安協臺灣協北路協水師協

福州城守營興化城守營延平城守營各一人浙江杭州城守

營嘉興協湖州協紹興協象山協台州協樂清協瑞安協平陽

協金華協嚴州協各一人湖廣督標一人鄖陽協黃州協施南

協長沙協洞庭協永順協辰州協靖州協沅州協永綏協衡州

協寶慶協各一人四川督標將軍標各一人阜和協夔州協維

州協各一人陝西將軍標一人靖遠協慶陽協潼關協波羅協

神木協定邊協漢中城守營岷洮協各一人甘肅督標一人永

固協永昌協中衛協西大通協金塔寺協西安協瑪納斯協哈

密協各一人廣東督標一人廣州城守營肇慶城守營惠州協

順德協香山協春江協南雄協三江口協龍門水師協羅定協

黃岡協澄海協各一人廣西義寧協平樂協廣遠協潯州協梧

州城守營新太協鎮安協各一人雲南督標一人曲尋協楚雄

協永昌協龍陵協維西協各一人貴州清江協大定協銅仁協

都勻協上江協黔西協遵義協平遠協定廣協各一人

各掌其分地之軍政以整飭行伍參將以下之在其分內者胥隸焉凡副將之為總督統理營務者曰督標中軍副

將其爲駐防將軍統理營務者曰將軍標中軍副將爲河道總督漕運總督統理營務及稽核工汛催護漕船者曰河標中軍副將漕標中軍副將茲河標漕標副將已別具河道漕運總督篇內故不贅列

歷代建置

謹案總兵之官始於明代前此無聞焉副將之名惟見於北魏北齊而自隋以後未有置者今旣以古來統軍之將入提督表內因以其副貳者系之此表以誌沿溯之略而歷代異同因革則詳具於左云

三代

周禮夏官制軍二千五百人爲師師帥皆中大夫五百人

爲旅旅帥皆下大夫

謹案州長之職師田行役之事帥而致之則州長於軍卽爲師帥也黨正之職師田行役以其法治其政事則黨正於軍卽爲旅帥也然師帥旅帥之制周初已具書之牧誓有千夫長百夫長孔安國以爲千夫長卽師帥蓋師雖二千五百人舉其全數亦得稱千夫長其百夫長孔氏以爲卒帥而鄭康成以全數準之亦卽以爲旅帥也要之夏官所云周禮之正法若量時制事未必盡同齊語二千人爲旅鄉良人帥之吳語百人爲行十人一旌十旌一將軍而注引司馬法曰十人之帥執鈴百人之帥執鐸千人之帥執鼓萬人之將執大鼓其計人

制將皆以什數固與周禮異矣周之師帥旅帥實統於將軍其與今之總兵副將統於提督者制亦相近焉

秦

〔馬端臨文獻通攷〕秦置郡丞以佐守在邊爲長史掌兵馬謹案秦制郡守治民丞佐之尉典兵而邊郡長史亦掌兵馬其所以佐守者豈卽其所以佐尉者歟秦之行軍亦有長史如司馬欣爲章邯長史見漢書項籍傳則因事而設不爲定制

漢

〔漢書百官公卿表〕郡有丞邊郡又有長史掌兵馬秩皆六百石○郡尉典武職甲卒有丞秩六百石

謹案錢文子曰漢邊郡太守置長史一人丞一人治兵民當兵行長史知郡長史與丞不並置惟郡尉之丞佐其尉典武職甲卒者乃爲一定之官也

〔漢書高帝本紀顏師古注〕張晏曰材官騎士常以八月太守都尉令長丞會都試課殿最

謹案漢郡守尉行都試之法而丞亦與焉知丞卽不行長史而亦仍佐守典兵馬之事者矣

〔王應麟玉海〕漢初軍制主閑廢而名廢將主輜重而名重將將如林之帥而名林將將築城之兵而名城將弩則有弩將射則有樓煩將騎則有郎騎將謹畏則謂之慎將勇特則謂之特將軍司馬騎司馬各效其用長隊將二隊將

三隊將各因其才

謹案將兵者之稱將自周以前有之而著以爲官名則始見於秦漢之際應麟所列其等第當各有差次然俱特將者之專號也他如韓信擊趙輔以張耳曹參攻城略地每與淮陰侯俱雖一時所授不爲常秩而置帥有副亦卽今副將所託始也

杜佑通典後漢大將軍驃騎將軍車騎將軍衛將軍其領軍皆有部曲大將軍營五部部校尉一人軍司馬一人其不置校尉部但以軍司馬一人其別營領屬爲別部司馬謹案後漢省郡都尉并職太守亦每郡置丞一人其當邊戍者丞爲長史王國之相亦如之然則都尉之丞已

隨尉俱廢至諸將軍之號雖不爲統兵而設然其營部之校尉司馬亦有似今之總兵副將者故並著之

三國

三國蜀志馬忠列傳丞相亮開府以忠爲門下督王平列傳遷後典軍安漢將軍副車騎將軍吳壹任漢中

謹案王平以將軍副吳壹鎮漢中此如今總兵受提督節制之比至馬忠之爲開府門下督則當如今督標中軍副將之比也

三國志甘寧列傳拜折衝將軍爲前部督受敕出斫敵營乃酌酒與其都督潘璋列傳拜偏將軍領百校

謹案前部督下有都督此猶今總兵下之有副將而偏

將軍者則正如今副將之比也

晉

〔晉書職官志〕假節爲都督者所置與四征鎮加大將軍不開府爲都督者同

謹案晉驃騎以下及諸大將軍不開府非持節都督者置司馬一人若陶侃傳侃都督江州增置左右長史司馬蓋異數也其後侃既遜位以後事付右司馬王愨期加督護統領文武知督護乃隨時權設之號而司馬亦如後漢大將軍營之軍司馬矣又張實傳有太府司馬韓璞胡三省曰張氏保據河西有太府司馬太府少府主簿等官蓋都督府爲太府涼州府爲少府也

〔晉書職官志〕武帝置南蠻校尉於襄陽西戎校尉於長安南夷校尉於寧州元康中護羌校尉爲涼州刺史西戎校尉爲雍州刺史南蠻校尉爲荊州刺史江左省南蠻校尉尋又置於江陵改南夷校尉曰鎮蠻校尉安常時於襄陽置寧蠻校尉武帝又置平越中郎將居廣州

謹案晉護羌等校尉多領以刺史然其秩較卑司馬大守亦得兼之如朱燾以輔國司馬爲南蠻校尉庾翼以西陽太守遷南蠻校尉領南郡太守文處茂以涪陵太守進輔國將軍西夷校尉巴西梓潼二郡太守是也其官頗近今之副將故著之又晉有西蠻校尉當爲益州刺史觀毛寶傳載其子穆之朱序傳載其父燾所歷職

皆西蠻校尉益州刺史可見此亦疑卽西夷校尉之互名而志俱不及之疏矣

〔晉書王恭列傳〕遣牢之率帳下督顏延先據竹里謹案帳下督蓋如今之督標中軍副將也

宋齊梁陳

〔宋書百官志〕江左以來諸公領兵者置司馬一人

〔宋書明帝本紀〕出爲使持節都督徐兗二州豫州之梁郡諸軍事鎮北將軍徐州刺史又徙爲都督雍梁南北秦四川郢州之竟陵諸軍事監蠻校尉雍州刺史持節常侍將軍如故

謹案宋諸蠻夷校尉大約一如晉制其南蠻校尉孝建

中省而護羌及西夷校尉皆不見於志至監蠻校尉志云晉武帝置與晉志所云安帝置者亦稍不同

〔南齊書豫章王嶷列傳〕爲都督荆湘八州諸軍事南蠻校尉荆湘二州刺史晉宋之際刺史多不領南蠻別以重人居之至是有二府

謹案齊制凡蠻夷校尉或多領以太守惟護三巴校尉後改刺史其餘則猶是晉宋之舊也梁陳無所改作故不備列

北魏

〔魏書穆罷列傳〕除虎牢鎮將轉吐京鎮將陸侯列傳拜離石鎮將李恢列傳拜員外散騎常侍安西將軍長安鎮副

將李元茂列傳除彭城鎮副將

北齊書竇泰列傳神武為晉州請泰為鎮城都督參謀軍
事韓軌列傳神武鎮晉州引為鎮城都督仍督中軍庫狄
盛列傳為高祖親信都督累加中軍將軍為豫州鎮城都
督步大汗薩列傳為秦州鎮城都督劉豐列傳魏永安初
除靈州鎮城大都督

周書于謹列傳太祖臨夏州以為防城大都督兼夏州長
史獨孤信列傳建明初為荊州新野鎮將帶新野郡守尋
遷荊州防城大都督帶南鄉守楊寬列傳父鈞北道大行
臺恆州刺史懷朔鎮將

謹案魏高陽王澄以北邊鎮將選舉彌輕奏求重鎮將

之選蓋魏之鎮將下鎮大將一等鎮副將又下鎮將一
等蓋正如今之總兵副將其鎮城都督當如今之副將
而鎮城大都督則亦總兵之比也又齊書堯雄傳擒梁
鎮將苟元廉知南朝亦有鎮將矣

北齊書任胄列傳胄解郡為都督高祖以晉州重要留清
河公岳為行臺鎮守以胄隸之

周書賀拔岳列傳爾朱天光為使持節督二雍二岐諸軍
事驃騎大將軍雍州刺史以岳為左大都督又以征西將
軍侯莫陳悅為右都督並為天光之副

謹案任胄為都督隸行臺高岳侯莫陳悅為右都督副
節將爾朱天光正如今總兵之屬總督也

北齊

〔隋書百官志〕後齊三等諸鎮置鎮將副將

謹案齊之鎮將副將蓋悉仍魏制若趙郡王叡領山東兵數萬監築長城其還也部分營伍督帥監領強弱相持則其軍官之差次亦大略可見矣

後周

〔通典〕後周有大都督帥都督都督

謹案後周改都督諸軍為總管則總管為都督之任而又有大都督帥都督都督蓋俱為統軍之官而下於總管者正如今總兵副將俱下於提督也

隋

〔隋書百官志〕舊有兵處則刺史帶諸軍事以統之至是別置都尉副都尉都尉正四品領兵與郡不相知副都尉正五品

謹案隋煬帝定令改大都督為校尉帥都督為旅帥都督為隊正知周時都督之名固已微矣若郡有兵處別置都尉副都尉領之雖品秩較卑亦略與今總兵副將相仿也

〔隋書觀王雄列傳〕雄弟達拜給事黃門侍郎時吐谷渾寇邊詔上柱國元楷為元帥達為司馬蜀王秀列傳大將軍劉噲之討西爨也高祖令上開府楊武通將兵繼進秀使嬖人萬智光為武通行軍司馬

謹案行軍司馬之官始此至唐而始有員額蓋卽漢之軍司馬也

唐

〔新唐書百官志〕節度使行軍司馬副使各一人

謹案唐之行軍司馬掌弼戎政居則習蒐狩有役則申戰守之法器械糧糒軍籍賜予皆專焉本軍節使有關亦以次升授如閻巨源以勝州刺史攝振武行軍司馬屬其帥范希朝入覲遂代爲節度陸長源爲宣武軍行軍司馬汴州政事皆決斷之後代董晉知畱後事則其職正如今之總兵而副使正如今之副將也若節度副大使當時號爲儲帥藩鎮之專橫者每以授其子其甫除方鎮而未賜旄節者亦或稱副大使則非其例矣又唐制凡元帥都統俱有行軍司馬如鄭畋爲京城四面諸軍行營都統以前朔方節度使唐宏夫爲行軍司馬然兵罷則省非定制也

〔舊唐書職官志〕諸鎮上鎮將一人正六品下鎮副一人正七品下中鎮將一人正七品上鎮副一人從七品上下鎮將一人正七品下鎮副一人從七品下

謹案唐諸鎮凡上鎮二十中鎮九十下鎮一百三十五皆爲防邊而設其將副秩亦較卑然原其設官則本於曹魏四鎮將軍之名而與北魏所稱鎮將者其職守略同又列鎮分等差殆亦如今各鎮各協之別故並著於

此

五季

〔新五代史盧文進列傳〕莊宗弟存矩為新州團練使統山後八軍〔王殷列傳〕遷靈武馬步軍都指揮使〔安重榮列傳〕父全勝州刺史振武馬步軍都指揮使重榮為鎮武巡邊指揮使

謹案五季時之統兵官大率為行軍而設非有定員若新州團練使之統山後軍以及靈武振武之都指揮使則亦有似今之鎮守協鎮者矣

宋

〔宋史職官志〕路分都監掌本路禁旅屯戍邊防訓練之政

令以肅清所部

謹案宋建炎三年以要郡守臣帶本路兵馬都監武臣一員充副都監紹興三年罷守臣兼兵職而副都監如故則各路分之都監副都監亦如今總兵副將之比也〔章如愚山堂攷索〕都鈐轄副鈐轄宋以朝官及諸司使以上充或一州或一路或兩路三路亦有無都字者建炎中要郡守臣兼兵馬鈐轄以武臣為副改諸路都監為副鈐轄紹興中守臣罷兼兵職副鈐轄改為路分都監

謹案宋統兵之官與罷不常其名號亦糅雜今參攷諸書知都鈐轄即守臣之帶兵馬都監者副鈐轄則各路分之副都監而守臣罷兼兵職後之設官專典兵職者

蓋自副鈐轄改為路分都監始惟各路分之都監止一人而猶仍副都監之名不可解也

遼

〔遼史百官志〕南面軍官諸軍兵馬都總管府某兵馬副總管同知某兵馬事

謹案遼北面上京路控制諸奚有諸軍都虞候司官曰都虞候亦今總兵鎮守邊塞者之比附著於此

金

〔金史百官志〕諸總管府同知都總管一員從四品掌通判府事副都總管一員正五品所掌與同知同○統軍司副統軍一員正四品

謹案金諸邊將正將常提控部保將輪番巡守邊境副將部將輪番巡守邊境其統轄與內地之將副同亦附著於此

元

〔元史百官志〕宣慰使司都元帥府同知二員副使二員都元帥府副元帥二員

明

〔明史職官志〕都指揮使司都指揮同知二人從二品都指揮僉事四人正三品

謹案都指揮同知為都指揮使之貳有如今之總兵則其僉事亦副將之比歟

明史職官志總兵官副總兵無品級無定員總鎮一方者為鎮守獨鎮一路者為分守又有提督提調巡視備禦領班備倭等名凡總兵副總兵率以公侯伯都督充之其總兵挂印稱將軍者雲南曰征南將軍大同曰征西將軍湖廣曰平蠻將軍兩廣曰征蠻將軍宣府曰鎮朔將軍甘肅曰平羌將軍寧夏曰征西將軍交趾曰副將軍徐學聚國朝典彙作平夷副將軍延綏曰鎮西將軍其在薊鎮貴州湖廣四川及攸運淮安者不得稱將軍挂印宣德間又設山西陝西二總兵嘉靖間分設廣東廣西貴州湖廣二總兵為四改設福建保定副總兵又添設浙江總兵萬厯間又增設於臨洮山海天啟間增設登萊至崇禎時益紛不可紀而位權亦

非復當日○鎮守薊州總兵官一人舊設隆慶二年改為總理練兵事務兼鎮守駐三屯營協守副總兵三人鎮守昌平總兵官一人舊設副總兵又有提督武臣嘉靖二十八年裁副總兵以提督改為鎮守總兵駐昌平城聽總督節制鎮守遼東總兵官一人舊設駐廣寧隆慶元年令冬月移駐河東遼適中之地調度防禦應援海州瀋陽協守副總兵一人遼陽副總兵舊為分守嘉靖四十五年改為協守鎮守保定總兵官一人宏治十八年初設保定副總兵後改為參將正統九年復為分守副總兵嘉靖二十年改為鎮守三十年改設鎮守總兵官萬厯元年令春秋兩防移駐浮圖峪遇有警移駐紫荆關以備入援鎮守宣府總兵官一人舊設駐宣

府鎮城協守副總兵一人鎮守大同總兵官一人舊設駐
大同鎮城協守副總兵一人鎮守山西總兵官一人舊爲
副總兵嘉靖二十年改設駐寧武關防秋移駐陽方口防
冬移駐偏關協守副總兵一人鎮守延綏總兵官一人舊
設駐鎮城協守副總兵一人鎮守寧夏總兵官一人舊設
駐鎮城協守副總兵一人鎮守甘肅總兵官一人舊設駐
鎮城協守副總兵一人鎮守陝西總兵官一人舊駐會城
後移駐固原分守副總兵一人鎮守四川總兵官一人隆
慶五年添設駐建武所分守副總兵一人鎮守雲南總兵
官一人舊設駐雲南府鎮守貴州總兵官一人舊設嘉靖
三十二年加提督麻陽等處地方職銜駐銅仁府鎮守廣

西總兵官一人舊爲副總兵嘉靖四十五年改設駐桂林
府鎮守湖廣總兵官一人舊設嘉靖十年罷十二年復設
萬厯八年又罷十二年仍復設駐省城鎮守廣東總兵官
一人舊爲征蠻將軍兩廣總兵官嘉靖四十五年分設駐
潮州府協守副總兵一人提督狼山副總兵一人嘉靖三
十七年添設駐通州鎮守江南副總兵一人舊係總兵官
駐福山港後移駐鎮江儀真二處嘉靖八年裁革十九年
復設二十九年仍革三十二年改設副總兵駐金山衛四
十三年移駐吳淞鎮守浙江總兵官一人嘉靖三十四年
設總理浙直海防三十五年改鎮守浙直四十二年改鎮
守浙江舊駐定海縣移駐省城鎮守福建總兵官一人舊

爲副總兵嘉靖四十二年改設駐福寧州鎮守山東總兵官一人天啟中增設總督漕運總兵官一人永樂二年設總兵副總兵統領官兵海運後海運罷專督漕運天順元年又令兼理河道

謹案明統兵之官專制者曰總兵次日副總兵其鎮守地方或遇事增添改革俱本部奏請定奪又如張任學崇禎時巡按河南以諸將不任擊賊上疏請易武階帝壯之下吏兵二部及都察院議諸臣以文吏無改武職者請仍以監軍御史兼總兵事帝不從命授署都督僉事爲河南總兵官此一時僅見之事蓋明制凡有事征伐則命總兵佩將印統兵以出旣旋卽上所佩將印然多充以勳戚其後由行陣出身者或以都督等官擢任兵事其勞效可紀者亦間不乏人迨其季而臨陣縮朒避賊不擊甚有糜餉玩寇以邀封賞者則軍實替而軍政隳亦非盡由初制之未善也我

國家軍營之制旣設提督以統綠旗官兵而總兵

原闕

簡授必慎擇其人

凡有

皇上又以向之記名副將請升總兵者多由侍衛章京滿洲人員保送而鑾儀衛之滿洲漢軍人員又有應升總兵定額者是以所用於旗員較多乃

特命兵部定爲限制析其額數以旗員漢人銓次補用俾澄

敘一歸大公又

命各省總督及兼管提督之巡撫於漢人副將內舉其堪勝
總兵者書其攷語送部引

見於此見立法求才其難其慎而所以飭營伍重保障之
盛心萬古為昭矣

欽定歷代職官表卷五十七

宿松羅忠濟初校
南海桂 培覆校
番禺陶福祥再覆校

欽定歷代職官表卷五十八

參將遊擊等官表

三代	周	參將	亞將
漢	亞將	騎將	行馬
後漢	騎將	行馬	車馬
三國	騎將	行馬	車馬
晉	西戎等中郎	校尉	馬
宋齊	都督	校尉	馬
北魏	別將	校尉	馬
北齊	別將	校尉	馬
隋	別將	校尉	馬
唐	同節度	副使	馬步軍
宋	諸路將	副使	兵馬都
遼	兵馬都	副使	官
金	兵馬都	副使	官
元	兵馬都	副使	官
明	參將	遊擊	軍

職官表卷五十八 參將遊擊等官表

廣雅書局

有三人江西二十有四人福建十有七人浙江二十有五人湖
廣二十有一人四川三十人陝西三十有八人甘肅四十有四
人廣東三十有五人廣西十有九人雲南十有六人貴州二十
有二人○守備正五品直隸六十有六人山東二十有一人山西
二十有七人河南十有七人江南五十有七人江西十有五人
福建六十有六人浙江五十有三人湖廣五十有三人四川四
十有二人陝西四十人甘肅六十有九人廣東八十人廣西三
十人雲南四十有七人貴州五十人○營千總正六品直隸一百
三十有六人山東四十有七人山西六十有四人河南二十有
八人江南一百四人江西三十有二人福建一百四十有一人
浙江一百七人湖廣一百三十有四人四川一百二人陝西六

十有三人甘肅一百三十有七人廣東一百七十人廣西六十
有七人雲南九十有七人貴州一百十有六人○把總正七品直
隸三百十有四人山東一百人山西一百三十有七人河南六
十有一人江南二百十有七人江西九十有四人福建二百八
十有三人浙江三百九人湖廣二百七十八人四川一百九十有
九人陝西一百三十有三人甘肅二百九十有八人廣東三百
二十有四人廣西一百八十有一人雲南三百一人貴州二百
三十有三人

各掌其防汛之軍政練飭營伍以聽於其長凡參將之為
提督及巡撫統理營務者稱提標若撫標中軍參將遊擊
之為總兵統理營務者稱鎮標中軍遊擊都司之為副將

明倫彙編 職官典 卷五十八
三
統理營務者稱協標都司其參將以下爲河道總督漕運
總督所屬并各門衛守禦所官俱散見各表此不贅入又
直隸設有外委把總三百二十有九人山東一百二十人
山西二百十有八人河南六十有七人江南三百三人江
西九十有四人福建四百六十有三人浙江三百九人湖
廣二百七十人四川二百九十有四人陝西二百六十有
二人甘肅四百六十有五人廣東三百九十有四人廣西
一百八十有一人雲南三百一人貴州二百六十有一人
并著於此

歷代建置

謹案參將以下等官稱號名秩並自明始定前此惟漢
有遊擊將軍之稱而統兵專征其職頗重與今制不同
參將併無其名惟蜀志諸葛亮以馬謖爲參軍當爲後
世參軍之號所由昉而亦不以將稱至都司守備千總
把總之稱創自明初前無所因而今之都司與明都指
揮司又不同茲故取歷代以來職任相近者各爲比附
以見梗概云

三代

周禮夏官制軍百人爲卒卒長皆上士二十五人爲兩兩
司馬皆中士五人爲伍伍皆有長

謹案族師之職作民而師田行役則合其卒伍簡其兵
器以鼓鐸旗物帥而至則族師於軍固爲卒長推此而

閭胥之爲兩長比長之爲伍長可知後世之偏裨牙將分領卒伍者實權輿於此矣

國語齊語制國五家爲軌故五人爲伍軌長帥之十軌爲里故五十人爲小戎有司之所乘里有司帥之四里爲連故二百人爲卒連長帥之十連爲鄉故二千人爲旅鄉良人帥之

謹案齊制二百人爲卒與周禮之百人爲卒不同而因人置帥眾寡以等則正如今千總把總之比矣

春秋左氏傳晉蒐於緜上新軍無帥使其什吏率其卒乘官屬以從於下軍孔穎達疏什吏謂十人長使其軍內十人之長率其步卒車士與其新軍官屬軍尉司馬之類以

從於下軍

謹案周書大聚云五戶爲伍以首爲長十人爲什以年爲長尉繚子云軍中之制五人爲伍十人爲什五十人爲屬百人爲閭而晁錯亦云古之制邊縣以備敵使五家爲伍伍有長十家一里里有假士四里一連連有假五百十連一邑邑有假候皆擇其邑之賢材有護習地形知民心者居則習民於射法出則教民於應敵凡所云皆以十爲數則晉之軍制當亦十人置吏也

秦

馬端臨文獻通攷秦法凡戰獲一首賜爵一級皆以戰功相君長

漢書刑法志秦使民以功賞相長五甲首而隸五家

錢文子補漢兵志更卒曰踐更秦爵不更不為更卒左右不更主領更卒其番上尉主之

謹案秦爵自左庶長以上至大庶長皆卿大夫皆軍將也所將皆庶人更卒故以庶更為名大庶長即大將軍也左右庶長即左右偏裨將軍也若不更主領更卒番上則尉主之其職當在郡尉之下或即如今守備千總之屬也

漢

漢書韓信列傳合其裨將傳餐彭越列傳合校長顏師古注一校之長吳王濞列傳諸賓客皆得為校尉行間候司馬注在行間

或為侯或為司馬也陳平列傳平為亞將屬韓王信軍廣武周勃列傳材官引強注服虔曰能引強弓弩官也孟康曰如今挽強司馬也灌嬰列傳漢王

擇軍中可為騎將者皆推故秦騎士李必駱甲今為校尉可為騎將迺令李必駱甲為左右校尉將郎中騎兵所將

卒得右司馬騎將各一人注晉灼曰下所謂左右千人之騎靳歙列傳騎

千人將注如淳曰騎將率號為千人漢儀注邊郡置部都尉千人司馬候也所將卒得車司

馬候各四人騎長十二人申屠嘉列傳以材官蹶張遷為隊帥陸賈列傳使一偏將將十萬眾臨越霍去病列傳去

病騎兵車重與大將軍軍等而亡裨將悉以李敢等為大校當裨將趙充國列傳以假司馬從貳師將軍辛慶忌列傳少以父任為右校丞

謹案漢郡國之兵屬都尉中尉而令丞尉亦各統其縣然令丞尉究非主兵之官故摭見於傳者以著其概蓋亞將騎將行司馬及車司馬當如今之參將遊擊之比隊帥或分統材官者當如今都司守備之比其材官挽強亦當就材官中拔取與校長校丞候俱如千總把總之比而裨將偏將大校校尉則固其渾舉之號爾

漢書武帝本紀遊擊將軍韓說步兵三萬人出五原蘇建列傳以衛尉為遊擊將軍

謹案遊擊之號始見於此其後歷代有之至唐以為從五品下武階其與今之遊擊設有員額者正復不同

後漢書百官志大將軍營五部部下有曲曲有軍候一人

比六百石曲下有屯屯長一人比二百石其不置校尉部但軍司馬一人又有軍假司馬假候皆為副貳其餘將軍置以征伐無員職亦有部曲司馬軍候以領兵其職吏部集各一人總知營事兵曹掾史主兵事器械稟假掾史主稟假禁司又置外刺刺姦主罪法

謹案春秋時晉有元候候奄候正漢制餘將軍或有候亦有假候不必大將軍始有也候比六百石當如今都司守備之比其屯長則千總把總之比又漢未有梯秋屯帥張宣見裴松之所引英雄記其亦屯長之屬歟

後漢書耿弇列傳光武見弇等皆以為偏將軍使還領其兵加况耿弇父大將軍與義侯得自置偏裨

謹案大將軍得自置偏裨此一時權宜之事然亦見當時上下相承之制也

三國

〔三國蜀志馬謖列傳〕諸葛亮以謖為參軍〔王平列傳〕拜牙門將裨將軍屬參軍馬謖先鋒

謹案漢制大將軍府有從事中郎二人職參謀議此參軍之名所自昉也然當軍行亦為統兵之官則今之參將其亦本諸此歟

〔裴松之三國志注魏略〕曰郝昭入軍為部曲督

〔三國魏志三少帝本紀〕散將王起為部曲將〔李典列傳〕太祖以典為裨將軍〔樂進列傳〕為軍假司馬〔于禁列傳〕太祖

使禁別將屯原武遷裨將軍〔徐晃列傳〕拜裨將軍又拜偏將軍

謹案徐晃以裨將軍進偏將軍則此時之裨將軍當自為官秩或如今都司守備之比其部曲督當亦如都司守備而部曲將則正如千總把總也至若別將乃別為一軍如所謂異軍特起者然其後亦遂為官號則亦如都司守備之比歟

〔三國吳志三嗣主列傳〕使察戰到交阯〔裴松之注〕察戰吳官號

謹案察戰之官惟見於此疑亦如監軍之類故附著之

晉

司馬光資治通鑑西戎校尉司馬閻纘胡三省注武帝置南蠻校尉於襄陽西戎校尉於長安南夷校尉於寧州各有長史司馬

謹案晉西戎等校尉太守及督府司馬皆得兼之則其為校尉之司馬者或如今參將遊擊之比也

晉書劉宏列傳宏遣南蠻長史陶侃為大都護參軍蒯恆為義軍督護牙門將皮初為都戰帥

謹案督護之號蓋創制於此時而牙門將及都戰帥則又略如參將或都司之屬也

晉書朱伺列傳少為吳牙門將陶丹給使吳平徙江夏為郡將督轉騎部曲督

謹案朱伺以郡將督轉騎部曲督則郡將督當亦如今守備千總之屬也

宋齊梁陳

宋書百官志四夷中郎校尉皆有長史司馬參軍

宋書謝晦列傳行至安陸延頭為戍主光順之所執

謹案戍主戍副宋齊以下咸有其官當時又有防主城主城大戍將諸號蓋俱如今守備千總之屬也

北魏

魏書穆羆列傳離石都將郭洛頭尉元列傳遣子都將于

沓千劉龍駒等步騎五千將往赴擊太和初出為使持節鎮西大將軍開府統萬鎮都將一年徵為使持節侍中都

督南征諸軍事征西大將軍大都將孔伯恭列傳遣子都將侯汾等率騎五百在水南奚昇等五百餘騎在水北沈文秀列傳爲南征都將爾朱天光列傳爲都將總統肆州兵馬

謹案尉元以鎮西大將軍爲都將又以征西大將軍爲大都將似都將卽大帥之任然穆羆爲吐京鎮將而離石都將郭洛頭爲其所轄至以不能攝下自劾則都將又似較卑周書寇儒傳孝昌中置鹽池都將秩比上郡或亦今參將之比其子都將據太和十九年詔書與大守並列固卽今遊擊都司之屬歟

資治通鑑梁天監六年魏淮陽鎮都軍主常邕和以城來

降

謹案三國志張郃傳郃還陽平眾推爲軍主諸將皆受節度蓋代夏侯淵總攝諸軍也若南北朝凡一軍之首多稱軍主其下亦有軍副則軍主之名微矣此云都軍主又當在諸軍主之上疑亦今都司守備之比也

魏書李元茂列傳除振威將軍南征別將趙遐列傳初爲軍主景明初爲梁城戍主後假平東將軍爲別將延昌中假前將軍爲別將防捍西荆又爲別將隸蕭寶夤東征淮堰劉思祖列傳屢爲統軍南征

謹案北朝多別將之目故據此數條以著其概若統軍則行軍之官疑不常置也

北齊書神武帝本紀養於鎮獄隊尉景家長得給鎮爲隊
主鎮將段長常奇神武貌慕容儼列傳魏河間王元琛辟
儼左廂軍主梁攻東豫州儼督別將鄭海珍與戰斬其軍
主朱僧珍軍副秦太杜弼列傳遷北豫州驃騎大將軍府
司馬左遷下灌鎮司馬

謹案杜弼以督府司馬遷鎮司馬則鎮司馬當如今參
將遊擊之比而隊主或如今千總把總之屬歟

周書叱羅協列傳魏末冀州刺史以協爲統軍委以守禦
賀拔勝列傳父度拔爲武川軍主懷朔鎮將楊鈞召補統
軍李惲列傳事爾朱榮以兼別將拜討逆將軍于謹列傳
曾祖婆魏懷荒鎮將祖安定平涼郡守高平郡將謹除積

射將軍加別將宇文貴列傳夏州刺史源子雍以貴爲統
軍後加別將楊忠列傳高祖元壽魏初爲武川鎮司馬李
棠列傳高仲密爲北豫州刺史時東魏遣鎮城奚壽興典
兵事仲密但知民務而已

謹案賀拔度拔以軍主補統軍李惲以兼別將拜將軍
于謹以將軍加別將宇文貴以統軍加別將知此時之
統軍別將已爲一定之號若干安定爲平涼郡守又爲
高平郡將高仲密爲刺史與鎮城奚壽興分典兵民之
事則正如今各府之有知府而或又有協守分守之比
也以上北齊書周書所列其事皆在魏世故仍著於此

北齊

北齊書祖珽列傳珽乘馬自出令錄事參軍王君植率兵馬仍親臨戰陣

謹案此錄事參軍乃北徐州刺史屬官也觀此知當時州佐亦間有與統兵之事者矣

後周

周書齊王憲列傳子貴白獸烽經為商人所燒烽帥納貨不言其罪宇文貴列傳蜀多盜貴召任俠傑健者署為遊軍二十四部令其督捕

謹案烽帥之名惟見於此當如今千總把總之比若遊軍捕盜則不過如後世土丁壯丁之校長隨州縣補署者之類爾

隋

隋書百官志鎮置將副戍置主副其制官屬各立三等之差又置諸防主副官掌同諸鎮

隋書楊處綱列傳授開府督武侯事

謹案開府督武侯當即如前代大將軍營之有軍候而非如當時之所謂左右武侯者也

唐

新唐書百官志節度使同節度副使十人館驛巡官四人隨軍四人

謹案唐節度使下有副大使有副使又有同節度副使則同節度副使當如今參將之比也

舊唐書李光弼列傳河西節度使王忠嗣補爲兵馬使充
赤水軍使王忠嗣列傳父虔威爲朔方軍將思禮隨節度
使王忠嗣至河西與哥舒翰對爲押牙及翰爲隴右節度
使思禮與中郎周倂爲翰押牙以功除右金吾衛將軍充
關西兵馬使兼河源軍使哥舒翰爲元帥充元帥府馬軍
都將辛雲京列傳累官至北京都知兵馬使史憲誠列傳
父周洛爲魏博軍校至兵馬大使何進滔列傳父默夏州
衙前兵馬使進滔客於魏委質軍門爲衙內都知兵馬使
王重榮列傳爲河中馬步軍都虞候時溥列傳溥徐之牙
將詔徵天下兵武寧節度使支詳遣溥與副將陳璠率師
赴難

謹案唐節鎮統兵之官名號不一所云副將當卽同節
度副使之屬其馬步軍都虞候馬軍都將兵馬大使都
知兵馬使當如今參將之比衙內都知兵馬使當卽今
之中軍參將而衙前兵馬使兵馬使押牙將當如今
遊擊都司之屬也

唐六典上戍主一人正八品下戍副一人從八品下佐一
人史二人中戍主一人從八品下史二人下戍主一人正
九品下史一人

謹案唐之鎮將鎮副掌鎮捍防守總判鎮事其戍主戍
副所掌與諸鎮略同蓋亦沿周隋以來之舊制而品秩
頗卑當亦如今之千總把總矣

五季

舊五代史朱珍列傳以踏白騎士入陳亳間李思安列傳

副王虔裕為踏白將

新五代史牛存節列傳梁太祖以為小校遷滑州牢城邊

後指揮使梁兵攻鄆存節使都將王言藏船鄆西北隅濠

中王檀列傳為小校遷踏白副指揮使朱宏昭列傳少事

明宗為客將氏叔琮列傳為梁騎兵伍長王峻列傳漢高

祖鎮河東峻為客將

謹案踏白將副猶漢之所謂材官蹶張也牢城邊後指

揮使當如今都司守備之比若客將當如前代之所謂

別將也

宋

王明清揮塵餘話州郡節察防團刺史召居京師謂之遙

授至於一郡則盡行軍制守臣通判名銜必帶軍州其佐

曰簽書軍事及節度觀察軍事推官判官之名雖曹掾悉

曰參軍著其實於一州官吏使知一州以兵為本咸知所

先也

謹案宋諸路置總管鈐轄都監監押為將帥官凡州縣

有兵馬者其長吏未嘗不兼同管轄蓋知州即一州之

將知縣即一縣之將也其後分河北等路諸軍若干人

為一將別置將官使之專功訓練而逐州總管以下及

諸州知縣皆不得關豫軍旅之事矣

戰官表卷五十八 參將遊擊等官

廣雅書局

宋史職官志諸路將官掌統所隸禁旅律以行陣隊伍金鼓旗幟弓矢擊刺之法而教習訓練之其武藝強者待次遷補以激勸士卒凡兵仗器甲之數廩祿犒設賞罰約束之禁令皆掌焉副將爲之貳若屯戍防邊則受帥司節制遇寇敵則審其戰守應援之事

文獻通攷熙寧七年始詔總開封府畿京東西河北路兵分置將副而鄜延環慶涇原秦鳳熙河又自別將四年詔團結東南路諸軍亦如畿京法總天下爲九十二將鄜延五路又有漢蕃弓箭手亦各附諸將而統隸焉凡諸路將各置副一人東南兵三十人以下惟置單將凡副將皆選內殿崇班以上嘗歷戰陣者充之亦詔監司奏舉又各以

所將兵多寡置部將隊將押隊使臣各有差又置訓練官次諸將佐

謹案宋諸路將官專以訓練爲職然屯戍防邊亦有戰守應援之事則其將副當如今參將遊擊之比其部將隊將當如今都司守備之比而訓練官者亦如今千總把總之比也

司馬光傳家集州郡自置將以來每將下各有部隊將訓練官等一二十人而州又自有總管鈐轄都監監押設官重複虛糜祿廩欲乞盡罷諸路將官其禁軍各委本州長吏與總管鈐轄等如未置將以前

謹案宋自司馬光乞罷諸路將官乃稍省諸路鈐轄及

職官表卷三十一
都監員仍以將官兼都監職事卒不能盡罷將副其後
樞密院復建言往時軍士犯法許將官一面決遣以故
事無留滯自州縣官預軍事以來動多牽制今後欲仍
舊法及諸軍除轉排補並隸將司州縣毋得輒有所預
其非屯駐所在當俟將副巡歷決之餘則委訓練官行
焉自是總管等官其於所部士卒有不相統攝殆如路
人者而州縣長吏更無論矣

宋史職官志諸軍都統制副都統制渡江後大軍又有統
制同統制副統制統領同統領副統領其下有正將準備
將訓練官部將隊將等名皆偏裨也

謹案宋諸軍統制同統制以下正如今總兵副將以下
官之比然宋之屯駐諸州軍其實皆御前軍也故都統
制既入提督表內而統制以下則第備著於此云

遼

遼史百官志南面軍官諸軍兵馬都總管府某兵馬判官
謹案判官在唐為節度使僚屬至宋轉而為府佐在遼
則為總管府行軍之官其與今之參將亦復相近又遼
樞密院都統下有監軍行軍時又有監戰又有行軍都
監并附著於此

金

金史百官志諸府鎮都軍司都指揮使一員正七品節鎮軍都
指揮使則從七品掌軍率差役巡捕盜賊總判軍事仍與錄事同

管城隍軍典二人公使六人凡諸府及節鎮並依此置○
諸防刺州軍轄一員掌同都軍兼巡捕仍與司候同管城
壁軍典二人○諸府州兵馬鈐轄一員從六品掌巡捕盜
賊若有盜則總押隨處巡尉併力擒捕司吏二人京兆咸
平濟南鳳翔萊密懿鞏州並依此置惟京兆咸平府置兵
馬都鈐轄餘並省

謹案金諸府州指揮使等官所司在巡捕盜賊然各與
錄事等同管城隍則亦今城守分汛將領官之比也又
金元帥府自元帥副元帥而下有左右監左右都監或
亦如今左右營之比也

元

〔元史兵志〕國初典兵之官視兵數多寡爲爵秩崇卑長萬
夫者爲萬戶千夫者爲千戶百夫者爲百戶世祖修官制
萬戶之下置總管千戶之下置總把百戶之下置彈壓○
至元十五年定軍民異屬之制先是以李璫叛分軍民爲
二而異其屬後平江南軍官始兼民職凡以千戶守一郡
則率其麾下從之百戶亦然不便至是合軍民各異屬如
初制

謹案自宋置諸路將官而軍民各異其屬至元世祖更
制而統軍之官與親民之官遂判然不可復合則其由
來者漸矣又元以軍官兼民職其與宋之以文臣知軍
州者又復不同

明

〔明史職官志〕參將遊擊將軍守備把總無品級無定員獨鎮一路者爲分守各守一城一堡者爲守備與主將同守一城者爲協守鎮守薊州總兵官分守參將十一人遊擊將軍六人統理南兵遊擊將軍三人領班遊擊將軍七人坐營官八人守備八人把總一人提調官二十六人鎮守昌平總兵官分守參將三人曰居庸關參將曰黃花鎮參將曰橫嶺口參將遊擊將軍二人坐營官三人守備十人提調官一人鎮守遼東總兵官分守參將五人曰開原參將曰錦義右參將曰海蓋右參將曰寧遠參將曰寬奠堡參將遊擊將軍八人守備五人坐營中軍官一人備禦十

九人鎮守保定總兵官分守參將四人曰紫荆關參將曰龍固二關參將曰馬水口參將曰倒馬口參將遊擊將軍二人坐營中軍官一人守備七人把總七人忠順官二人鎮守宣府總兵官分守參將七人曰北路獨石馬營參將曰東路懷來永寧參將曰上西路萬全右衛參將曰南路順聖蔚廣參將曰中路葛峪堡參將曰下西路柴溝堡參將曰南山參將遊擊將軍三人坐營中軍官二人守備三十一人領班備禦二人鎮守大同總兵官分守參將九人曰東路參將曰北東路參將曰中路參將曰西路參將曰北西路參將曰井坪城參將曰新坪堡參將曰總督標左掖參將曰威遠城參將遊擊將軍二人入衛遊擊四人坐

明倫彙編 職官典 卷五十八
營中軍官二人守備三十九人鎮守山西總兵官分守參將六人曰東路代州左參將曰西路偏頭關右參將曰太原左參將曰中路利民堡右參將曰河曲縣參將曰北樓口參將遊擊將軍一人坐營中軍官一人守備十三人操守二人鎮守延綏總兵官分守參將六人曰孤山參將曰東路右參將曰西路左參將曰中路參將曰清平參將曰榆林保寧參將遊擊將軍二人入衛遊擊四人守備十一人坐營中軍官一人鎮守寧夏總兵官分守參將四人曰東路右參將曰西路左參將曰靈州左參將曰北路參將遊擊將軍三人入衛遊擊一人守備三人備禦領班二人坐營中軍官二人管理鎮城都司一人領班都司二人管

理水利屯田都司一人鎮守甘肅總兵官分守參將四人曰莊浪左參將曰肅州右參將曰西寧參將曰鎮番參將遊擊將軍四人坐營中軍官一人守備十一人領班備禦都司四人鎮守陝西總兵官分守參將五人曰河州參將曰蘭州參將曰靖寇參將曰陝西參將曰階文西固參將遊擊將軍四人坐營中軍官一人守備八人鎮守四川總兵官協守參將二人曰松潘東路左參將曰松潘南路右參將遊擊將軍二人守備六人鎮守雲南總兵官分守參將三人曰臨元參將曰永昌參將曰順蒙參將守備二人巡撫中軍坐營官一人鎮守貴州總兵官分守參將二人曰提督清浪右參將曰提督川貴迤西左參將守備七人

巡撫中軍官一人鎮守廣西總兵官分守參將五人曰潯
樅左參將曰柳慶右參將曰永寧參將曰思恩參將曰昭
平參將守備三人坐營官一人鎮守湖廣總兵官分守參
將三人曰黎平參將曰鎮算參將曰鄖陽參將守備十一
人把總一人鎮守廣東總兵官分守參將七人曰潮州參
將曰瓊崖參將曰雷廉參將曰東山參將曰西山參將曰
督理廣州海防參將曰惠州參將練兵遊擊將軍一人守
備五人坐營中軍官二人把總四人提督狼山副總兵分
守參將二人曰徐州參將曰金山參將遊擊將軍一人守
備六人鳳陽軍門中軍官一人把總十三人鎮守浙江總
兵官分守參將四人曰杭嘉湖參將曰寧紹參將曰溫處

參將曰台金嚴參將遊擊將軍二人總捕都司一人把總
七人分守江西參將一人曰南贛參將守備四人把總六
人鎮守福建總兵官分守參將一人曰南路參將守備三
人把總七人坐營官一人鎮守山東總兵官備倭都司一
人領薊鎮班都司四人又河南守備三人領薊鎮班都司
四人

謹案明總督漕運總兵官下有協同督運參將把總等
官茲已入漕運總督篇內故不贅列益明制自京師達
於各府州縣皆立衛所外統之都司內統於五軍都督
府凡有征伐則命將統總兵官調衛所軍領之其號令
總兵官告都指揮都指揮告指揮指揮告千戶千戶告

百戶百戶告總旗總旗告小旗小旗告軍士其初雖參將遊擊把總亦多有充以勛戚都督等官者迨其後而軍官屢增軍實益替馴至末造則猛將疲於援勦懦弁虛糜餉糈而國勢遂不可復支蓋法久必敝亦恃制法者之有以善其用也我

朝加意軍政凡一營一旅之寄亦必量材除授

皇上又諄諭各提鎮大員俾以時攷核其屬以飭勵士伍統攝聯絡武備整肅真萬年治安無弊之道而豈漢唐以來所能比絜於萬一者乎

宿松羅忠濟初校南海桂 姑覆校

番禺陶福祥再覆校

欽定歷代職官表卷五十八

